



HEinricus honesto loco natus & à teneris an-
 nis optimè educatus est. Is cum artium & lin-
 guarum fundamenta foeliciter iecisset, animum ad
 iuris studia conuertit, & in ea scientia adeò profe-
 cit, ut doctissimis iureconsultis adnumeraretur. Id
 cum Elector Palatinus cognouisset, eum suū con-
 siliarium elegit. Pariratione & Bipontinus prin-
 ceptus in suum consilium adoptauit, atq; suo nomi-
 ne res magnas expedire iussit. Erat enim Heinri-
 cus magna prudentia & singulari eloquentia pre-
 ditus. Hinc etiam factum cum 1541 Ratisbonæ in
 comitijs religionis nomine colloquiū, per certos
 uiros, iussu Cæsaris esset institutum, quod etiā Ha-
 sius inter auditores fuerit connumeratus, idq; testimoni-
 j causa. In hoc uitæ ge-
 nere perseuerauit ad bellum Smalkaldicum usq;, & Cæsari erat deditissimus.
 Cum itaq; nauis Cancellarius Cæsaris 1547 esset mortuus, atq; Seldus substi-
 tutus erat, huic ob negotiorum multitudinem Hasius fuit additus, erat enim
 is rerum Germanicarum peritissimus.